

U G O V O R

O AKADEMSKOJ, NAUČNOJ I POSLOVNO-TEHNIČKOJ SARADNJI

zaključen dana 22.04.2023. godine

između

1. **Visokoškolske ustanove Evropski univerzitet Brčko distrikt**, sa sjedištem u Brčkom, u ul. Bijeljinska cesta 72-74, čiji je zastupnik rektor prof. dr. Radoslav Galić, s jedne strane (u daljem tekstu: Univerzitet) i
2. **ZTC „Banja Vrućica a.d.“ Banja Vrućica**, sa sjedištem ul. Nede Nedića br. 1, Banja Vrućica, Teslić, čiji je zastupnik generalni direktor dr Dragan Bogdanić, s druge strane (u daljem tekstu: Zdravstveno-turistički centar).

Član 1.

Ugovor je zaključen s ciljem međusobne saradnje dvije ustanove u budućem procesu obrazovanja, naučno-istraživačkog rada i drugih poslova u okviru registrovane djelatnosti.

Član 2.

Ugovorne strane će nastojati da razvijaju međusobne veze prema principima zajedničke koristi, opštег društvenog interesa, te zajedničke komplementarne djelatnosti visokog obrazovanja.

Ugovorne strane će uložiti najveće i iskrene napore da se ovaj ugovor realizuje na akademskom nivou.

Član 3.

Ciljevi saradnje:

1. razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
2. razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
3. ohrabruvanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata, i
4. podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

Član 4.

Područje saradnje će uključivati bilo koje akademske i druge naučne odnose, stručne programe koji su akreditovani i registrovani u bilo kojoj od ustanova u cilju razvoja zajedničkih aktivnosti u nastavnim i akademskim oblastima koje su od obostranog interesa, na bazi kvaliteta i reciprociteta.

Ugovorne strane će podnosići prijedloge vezane za zajedničke projekte prema odredbama ovog ugovora putem rukovodećeg izvršnog osoblja ili putem nadležnog akademskog osoblja.

Član 5.

Ugovorne strane obostrano izjavljuju da će Zdravstveno-turistički centar omogućiti obavljanje stručne prakse za studente Fakulteta za medicinu, farmaciju i zdravstvo Univerziteta na studijskom programu Fizioterapija i radna terapija.

Član 6.

Stručna praksa studenata u Zdravstveno-turističkom centru obavljaće se po utvrđenom nastavnom planu i programu na I, II i III ciklusa studija Fakulteta za medicinu, farmaciju i zdravstvo Univerziteta.

Član 7.

Univerzitet će prije početka nastave, u skladu sa nastavnim planom i programom za svaku akademsku godinu specificirati potrebe prema broju studenata za obavljanje stručne prakse i dostaviti Zdravstveno-turističkom centru spiskove studenata.

Zdravstveno-turistički centar će studentima Univerziteta obezbijediti kvalitetno i bezbjedno izvođenje stručne prakse, u skladu sa raspoloživim materijalnim, prostornim i kadrovskim resursima, uz primjenu i sprovođenje mjera zaštite na radu i zaštite od požara prema važećim propisima.

Član 8.

Univerzitet je obavezan osigurati da svi studenti prije obavljanja stručne prakse izvrše obaveznu sanitarnu obradu i dostaviti o tomě dokaz Zdravstveno-turističkom centru (sanitarna knjižica), te da imaju čiste uniforme i čistu obuću za vrijeme obavljanja stručne prakse u Zdravstveno-turističkom centru.

Zdravstveno-turistički centar će studente Univerziteta blagovremeno, na primjeren način, upoznati sa propisanim kućnim redom.

Član 9.

Mentora stručne prakse određuju Zdravstveno-turistički centar.

Član 10.

Univerzitet se obavezuje da obezbijedi da se studenti za vrijeme obavljanja stručne prakse ponašaju u skladu sa visokim etičkim i moralnim standardima, kao i da se prema opremi Zdravstveno-turističkog centra ponašaju sa pažnjom dobrog domaćina.

Univerzitet je odgovoran za svaku štetu koju njegovi studenti pričine Zdravstveno-turističkom centru u toku obavljanja stručne prakse u prostorijama Zdravstveno-turističkog centra.

Univerzitet je također obavezan osigurati studente za slučaj eventualne povrede u toku obavljanja stručne prakse u prostorijama Zdravstveno-turističkog centra.

Član 11.

Ugovorne strane su se sporazumjеле da će Univerzitet Zdravstveno-turističkom centru, na ime korištenja opreme, sredstava za rad, potrošnog materijala kao i ostalih materijala neophodnih za kvalitetno obavljanje stručne prakse, plaćati naknadu u iznosu od 200,00 KM + PDV po studentu za stručnu praksu u trajanju od 30 dana, odnosno 100,00 KM + PDV po studentu za stručnu praksu u trajanju od 15 dana.

Naknadu iz stava 1. ovog člana Univerzitet će plaćati prije početka obavljanja prakse, a na osnovu fakture koju će Zdravstveno-turistički centar ispostaviti prema spisku studenata dostavljenom od strane Univerziteta u skladu sa članom 7. stav 1. ovog Ugovora.

Član 12.

Ovaj Ugovor važi počevši od akademske 2022/2023. godinu. Svaka ugovorna strana ima pravo Ugovor otkazati, uz obavezu da o namjeri otkazivanja pismenim putem obavijesti drugu ugovornu stranu najkasnije 30 dana prije dana s kojim namjerava otkazati Ugovor. Ugovorna strana koja je pretrpjela štetu zbog neispunjena obaveze druge ugovorne strane ima pravo na naknadu štete.

Član 13.

Ugovorne strane su se sporazumjele da će na svojim web-stranicama istaknuti logo druge ugovorne strane sa poveznicom na web-stranicu druge ugovorne strane, a sve u cilju međusobne promocije.

Član 14.

Ovaj Ugovor je zaključen u četiri (4) istovjetna primjerka, od kojih svaka ugovorna strana zadržava po dva (2) primjerka.

Član 15.

Ugovorne strane će eventualne sporove rješavati sporazumno.

